

## QVÆSTIO MEDICA:

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM DIE IOVIS XV. NOVEMBRIS.

M. IACOBO LE MENESTREL.

DOCTORE MEDICO, MODERATORE.

*An Arthritidi & inveterato Rheumatismo curandis solo lacte vesci convenit?*

I.

QVÆ suæ impensius studet incolumitati natura suum & ipsa molitur exitium cùm in assidui effluvii locum sobolescit mox-recens partibus retocillandis succus, cujus patitur collectionem donec prematur onere aut irriteretur morsu. Gliscit in dies intestina labes quæ multis affectibus referat viam; ii sopiti mersique visceribus altis suo tempore erumpunt quâvis de causâ suscitati: sic in partes principes fit effrænata vis & incurso humoris per *vascularium* extra conceptacula refusi: hinc morborum cohors egregie proficit, accenditur febrilis calor, incandescit jecur, pectoris angustia fatigat anhelitum, & loci in quò coërcetur pertæsus humor facto in pulmones imperu animam propriis jugulat in laribus. Quisquis defunctus Scyllâ cave ne in Charybdim naufragus: equidem cùm ab iis te diu salvum & incolumem servavit nobilium viscerum robur & integritas, aliis & materiam oggeret; adeò humorum cumulatur proventus, quos longè latèque à se eliminat metu repentini casus. Exonerat sese in minùs-robustas partes, in debiliores deinde, ab iis in omnium maximè-ignavas, à quibus in fortiores revocare gradum hoc opus hic labor est. Ex alvinâ provinciâ expirationes æstuantibus præcordiis sursum efferuntur, quæ remisso cerebri calore glomerantur in humorem; hic acrimoniam trahit & salem seu à bilis serî-ve miscellâ, seu ab adustione, seu à putredine ob longiorem stationem comparatâ: in subjectas iterum partes tanquam in labrum lacunam-ve relabitur & mox instar Euripi reciprocatur quasi per circulum mala revolvantur. Ex illis fontibus fluit in articulos dirum morbi genus, qui multiplicem à partibus affectis ducit appellationem, vel ex alto in corporis habitum ablegata fera colluvies vagas movet dolorum tempestates.

II.

MAGNA Arthritidem inter & Rheumatismum consensio, conspiratio. Hic sæpe illius prodromus, lubricus hujus in illam transitus, com-

munis utriusque materia, idem doloris aculeus, quid-ni & eadem pars affecta? Distinguntur tamen, hic circuitu caret, illa certis intervallis quasi ex condito recurrit. Nec quivis articulorum dolor, ille solus ex periodico acris falsisque humoris in articulos impetu audit Arthritis. Lancinantur ossium membranae, divelluntur partes in quibus sensus est exquisitus: adeo doloris impatientia calorem acuit ut jure dicas articulorum febrem. In Rheumatismo totum riget doletque corpus ac si foret Arthritis universalis. In carnosum panniculum, in musculos, in communem eorum tunicam vltro citroque pervolat cum desultorio dolore errabundus humor quasi lasciviat more animalium quae libidinis aestro percita stare loco nesciunt, horsum vorsum varie impellitur, nec ullibi locorum desiderat ut non pauciora sint supplicia quam membra. An tantae calamitatis causa melancholici & pueritiosi humoris congeries? Vt sit, ipse est sanguis si putredinis maleficio faceffat in bilem vel ferescat caloris colliquantis ope. Haec biliosa serosa-ve *πλεονεξία* non solum uberiore sale & tartaro quod naturam proritat acerrima, sed etiam substantia tenuissima, & temperamento vel corruptione calidissima, spontaneo appetitu alias alias-ve partes vicissim affectat nova semper quaerens hospitia. Nobilium viscerum vegeta vis expultrix degeneres ac noxios humores tanquam adulterinam sobolem respuit in vasa primum majora, dehinc in minora, in minima tandem, e quibus in habitum corporis eructantur. Eadem & in ossium intimis malus ichor, eo dum ad familiaris succi deportationem natura utitur, aburit & eadem: quod in alimento spissum & dulce, abit in ossium substantiam; serum inutile sale improbo aspersum juxta periostia sistitur: nec foras transcolare potest nativa spermatica partis imbecillitas acerrimo cruciata dolore & multa annorum serie spiritibus & calore destituta (est enim Arthritis frequentior senilis aetatis aegritudo.) Fit redux morbi periodus ab indole recipientium partium & firmata mittentium intemperie, quae perenni & continuata generatione materiem renovat. Succrescentibus tandem tophis articuli suis exiliunt e sedibus cum motus impotentia. Vis salutare adhibere manus, principiis obsta; qui per longas invaluit moras cedit nunc in medentis opprobrium morbus, cum ante-actis temporibus unus lactis usus longelateque profligasset.

## III.

**E**X infinita alimentorum suppellectile nullum naturae convenientius lacte. Vix emissa in luminis auras tenella soboles insuetum sugendi laborem luavissimo mulcet nectare: magna ejus cum molli corpore familiaritas in substantia & temperamento: adolescentium nativum calorem explicat, humentique suo tepore promovet augmentum: frangat intemperias caloris qui constantem aetatem adurit: affert moras instanti senectae indomitaeque mortis, & exsucca recreat senum corpora quos in multa saecula vindicat a morborum tyrannide. *Ευκρατον* est, *Οπτερον*, *Δαλδιδιαν*, *Οχυρον*, sapore dulce, odore gratum, eligendum. Nec agrestes tantum saturat, sed & elegantium

mensas jucundis & numerosis dapibus exornat, ut nihil ad gratiam & condimentum desideret vel. mollissimus Heliogabalus. Eò uri est animus, an medicinæ cibi. ve loco, an neglectis aliis eduliis vnò solò vescaris sollicitus esto? Equidem ex hoc vel illo animali emulgetur ad varios usus penes institutum tuum. Asinum tenuissimum; crassissimum vaccinum; distat ab extremis caprinum: tenuissimum multò sero dilutum vix ac ne vix quidem nutrit sed alium subducit & refrigerat. Πολύτροπον crassissimum, nec enim responderetur multo butyro & caseo: illud ἀνόδυνον, παρηγεῖον, humectat, lenit, nutrit, erodentibus medetur venenis; hic leviter siccans & refrigerans ἰσχυρόν alimentum suppeditat. Vni nutritioni si studes impensius veniat in usum vaccinum relicto caprino, quò aliàs ultra centum annos vitam produxerat rusticus senex. Nec te rufus niger.ve moveat color modò bene habeat vacca & ridentibus herbis pasta copiosum & suave lac ministret. Illud crudum, recens. multum & tepens adhuc singulis diebus propinabitur ad tres aut quatuor circiter cotylas; nec enim exactè definiri potest unicuique homini ciborum copia. Fac si lubet paucò saccharo aut melle condiantur ne concresecat, & sub umbilicum diei maceretur in eò mica panis. sic vivens vives felix Nestor annos.

## IV.

**I**NIMICA homini dissimilium ciborum multitudo, sub eorum pondere gemit obrutus calor vel languet varietate distractus. Singula in ventriculo ingesta nec æquis viribus attingit, itaut cruda putrescentia odorem importunum ori repræsentent, vel cum coctis abeant in sanguinem mox cessurum in totius corporis perniciem. Quisquis articulari tormento se eximere voluerit non hauriat veluti gurgues quidquid ciborum occurrit, uni sese præceteris addicat lacti ne trahat situm aliorum alimentorum consortio, & propter βαλλοίωσιν atque amicum dulcorem à visceribus rapiatur & rapiat unà cibos μεμολοσμένους in sanguinis officinam. Non eget dentium operâ qui ventriculum subeat, nullam ei seditionem mover dum eliquatur in chylum, qui pristinae fortis non immemor repurgati sanguinis plurimum, excrementi minimum ingerit. Tum maximè nitent viscera tam luculento irrigata humore, efflorescunt partes adeò salutari succo recreatae, deprimitur bilis acrimonia, dulcescit salsus ichor qui benigni humentisque alimenti appulsu liquatur ne concresecat in nodos. Eluitur ferina colluvies sollicitatâ molliter alvo, depurantur viæ si scateant recrementis. Medetur biliosis fluxionibus & colliquationibus ad ventrem nutantibus; nec mirum si dysentericis affectibus non secus ac sedi atque utero ulceratis conferat. Mitigat ardores tonsillarum & columellæ. Thoracis pulmonumque morbis utile est; & ideo secedebant olim ad Tabias non tam ut celi clementiâ fruerentur, quàm ut exsuccum & macie confectum corpus reficerent saluberrimò boum lacte: oblinat gratâ pinguedine membranas & musculos ne acri mordacique humorum decubitu lædantur, intolerabiles cicurat dolorum cruciatus, antevertit Arthritidem & Rheumatismum, horum affectuum pervicaciam nullo discrimine summâ-

que agrotantium iucunditate non superat modò, sed etiam singulare est  
*αλεξίπικρον* aduersus omnes quorum causa *ιχθρ φαύλθ* & *μοχθηρός*.

## V.

**P**ERMAGNI interest opportunitatem, curationis animam solerter  
 aucuperis; sic purgatio in acutorum principio naturam turbat atque  
 avocat ab instituto, eandem & in declinatione levat. *φλαῦρον* & *δρείον* *αὐτὸς* *π*  
 Alimenta usu tempestivo bona abusu sæpe fiunt pessima, ipsæque Deorum  
 manus aliàs salutare rapiuntur in perniciem. *Οἷσι γάλα τροφή* & *φύσιν*, *δ' ἄλλοι*  
*ᾗ οὐχί*. Quibus? *Α' τῆσιν* sincero corpori in quo nulla succorum impuritas &  
 cruditarum labe: *βλᾶβερν*, si sordibus scatet & recrementis: nec apponitur  
 idcirco cùm vehementius deflexit febris, nec quibus *εὐποχόνδεια* *μετέωρα*  
*ἀγγορβοελζοντα*. Cave sis ab eò cùm primùm furere Arthritidis & Rheuma-  
 tismi dolores, ne unà cum vitiosis humoribus corruptum eat. Tunc temporis  
 primas *ἡγεμονικώτατον* sibi habeat venæ-sectio, ab eà nec inauspicatò ducet  
 primam salutis ideam. Tunde superiores inferioresque venas ex opposito, &  
 directo, quid-ni & ex ipso partis dolentis latere. Nec te deterreat multoties  
 detractus sanguis modò partitis vicibus & non unò ductu *ἀχελ* & *λεπτοθυμία*  
 habità semper ratione virium quæ consuli debent & explorari documentis  
 fidelibus. Præterea residem circa mesenterium & cava hepatis eliminabis si-  
 burram blando molliorique cathartico cujus usus potior familiarior & fre-  
 quentior pleræque corporis vitia epicrasi quotidie mollit ac tutissimè sanat.  
 Apage valentiorum purgantium feram gentem queis incassum liberare nite-  
 ris quem atrocìus vexas arthriticum. Vtramque numeris omnibus absolvet  
 implebitque paginam lac; ejus agnosce beneficium omnium quæ arthriticum  
 malè habent symptomatum remissione; sic enim ichoris biliosi franges acri-  
 moniam, præcordiorum iram temperabis, squalentium viscerum tolles illu-  
 viem acerrimam, salis reprimis aculeum, maligni feri *κακόνθες* ligabis, neque  
 falles mox-rediturum dolorem sed tolles penitus, & natura prisca legi red-  
 dita mollem & iucundam vitam protelabit nullo dolore nec impediante nec  
 impendente.

*Ergo Arthritidi & inveterato Rheumatismo curandis solo lacte vesci convenit.*

## DOMINI DOCTORES DISPUTAVR.

M. Nicolaus Robin.

M. Franciscus Sorand.

M. Iacobus le Meneffrel, Praefes.

M. Carolus Brisset.

M. Claudius Tardy.

M. Ioannes Foreffier.

M. Michail Dupont.

M. Petrus de Mersenne.

M. Andreus Guyet.

Proponebat Lutetiæ GUIDO CRESCENTIVS FAGON  
 Parisinus, A. R. S. H. M. DC. LXIII.